

Кэскиллээх саҕалааһын**Буулдьанан ытыыга
турнир**

Бу күннэргэ "Саха сириҥ кыһыл көмүһэ" ААУо үгүс тэрээһини ыытта. Ол иһингэр Евгений Плющенкоҕа анаан оҥорбут кыһыл көмүс мэтээлин суруналыыстарга билиһиннэриитин түгэнин суруйбуппут. Итини таһынан "Саха сириҥ кыһыл көмүһэ" аны сайын бэйэтин бириинигэр Бүтүн Россиятаабы буулдьанан ытыыга турниры ыытарын билиһиннэрдэ уонна Арктикатаабы культура уонна искусство государственнай институтун кытары бииргэ үлэлиир туһунан сөбүлэһиигэ илии баттастылар.

Кэнники сылларга республика госкомспорда уонна бу компания ыкса үлэлэһэр буоллулар. Ол курдук, компания спорт араас көрүҥнэрин, биирдүүлээн да спортсменнары өйүүргэ тиһиктээх үлэни ыытар. Былырын эмиэ буулдьанан ытыыга учурааттаах күрэхтэһиини ыытан, Бүтүн Россиятаабы статуһу ылбыта. Онно барыта 170 киһи кыттыбыта уонна итинтэн түөрдэ Россия спордун маастарын нуорматын толорору ситиспитэ.

Буулдьанан ытыы күрэфин компания тэрийээн ытыыта мээһэ буолбатах. Саха киһитэ былыр-былыргыттан тиинги харахха түһэрэр кырабы харахтаабынан,

Компания спорду уонна искусствонны өйүүр

Сайаана ЛЬВОВА

бэргэн ытааччынан биллэрин өссө төгүл дакаастаары, бу көрүҥнэ спортсменнары күөскэ бэлэмнээри тэрийбиппит диэн компания салалтата санаатын үллэстэр.

Оттон күрэхтэһии туһунан этэр буоллаха, быйыл сайын бэс ыйын 17-19 күннэригэр ытыллар "Саха сириҥ кыһыл көмүһэ" компания бириинигэр турнирга Дальнай Востоктан тийэй кытыахтара. Россия үгүс регионнарын таһынан, Монголия, Китай дойдулара эмиэ кыталлара сабаҕаланар. Ханнык баҕарар тэрээһин элбэх үбү-харчыны эрэйэр. Оччотугар "Саха сириҥ кыһыл көмүһэ" компания курдук тэрилтэлэр көмөлөрө булгуччу наада курдук буолар. Онон бииргэ үлэлээһин хайа да өттүттэн туһалаах буолара саарбаҕа суох.

Итинэн сизтэрэн бэлиэтээтэххэ, Госкомспорт бэрэссэдээтэлин солбуйааччы Николай Коллодко иһитиннэрбитинэн, биһиги спортсменнарыт Сингапурга аан бастаан улаатан эрэр оҕолорго анаан ытыллар олимпийскай оонньууларга буулдьа-

нан ытыыга көҥүлү (лицензияны) ылбыттар. Бу ситиһии Саха сиригэр бу салаа сайдарыгар сүҥкэн-нээхэй хардыынан буолар.

Холобур, "Саха сириҥ кыһыл көмүһэ" аһымал фондата буулдьанан ытыыга спорт маастарын, СР рекордсменкатын, Бүтүн Россиятаабы күрэхтэһии чемпионкатын Анна Павлованы өйүүргэ быһаарыммыта. Саха сиригэр спорт бу көрүҥүнэн сыал-сорук туруорунан дьарыктамматах буоламмыт, бизс эрэ маастардаахпыт. Анна Павлова курдук Саха сиригэр бу көрүҥнэ соботох анал үөрэхтээх специалиһы өйүүр хайаан да наадалаах. Билиҥҥитэ кэккэ ситиһиилэр бааллар. Итини сэргэ эмиэ "Саха сириҥ кыһыл көмүһэ" аһымал фондата стипендиатката Евдокия Каторгина сурдолимпийскай оонньуулар призердарынан буолан үрүҥ көмүс уонна бронза мэтээллэри ылары ситистэ.

**Эрмитаж –
Саха сиригэр**

Иккис улахан тэрээһининэн "Саха сириҥ кыһыл көмүһэ" компания Арктикатаабы культура

уонна искусство институтун кытары кыттыһан студеннар быыстапкаларын туруорбуттара буола. Бу икки тэрилтэ бииргэ үлэлииргэ сөбүлэһиилэрин быһыытынан, АГИКИ студеннара Санкт-Петербурга бара сылдьан Эрмитажка аатырбыт худуоһунньуктар үлэлэрин холустаҕа түһэрбиттэрин дьон көрүүтүгэр таһаардылар.

Манньык түгэн барыларыгар тосхойбот, Арктическай институт Эрмижаһы кытары ыкса сибээстээхтик үлэлиир буолан, биһиги студеннарбыт икки нэдиэлэ онно үлэлээн, аатырбыт худуоһунньуктар айымныыларын, куоплуйаларан биир дойдулаахтарыгар көрдөрөр кыахтаннылар.

Инникитин бу институтка ювелирдары үөрэтэн таһаарар уус-уран металл салаата арыллыахтаах. Онон үөһэ ыйылыбыт компанияны кытары бииргэ үлэлээһиннэрэ икки өттүттэн туһаны эрэ аҕалара саарбаҕа суох. Оттон студеннар бу үлэлэрин интэриһиргээбит дьон "Саха сириҥ кыһыл көмүһэ" компания офисын бэһис мэндизмэнигэр тийээн көрүөхтэрин сөп.